

【國家社會科學基金重大項目（11&ZD119）】

中國人民大學佛教與宗教學理論研究所

何建明 主編

中國地方志
佛道教文獻匯纂

寺觀卷

（136）



國家圖書館出版社

中國地方志佛道教文獻匯纂·寺觀卷
浙江省 嘉興市

嘉興縣志

清·司能任修 屠本仁纂
清嘉慶六年（一八〇一）刻本

嘉興縣志卷七

嘉興縣知縣 司能任 重輯

古蹟

縣自春秋吳越以來橋李由拳具見建置沿革而二城遺址
宋元圖經尙能言其高厚丈尺之數今又歷數百年之久幾
於莫知所在矣其他舊城廢署以及亭館之屬或故蹟僅存
或遺文有證今悉按代敘次彙爲一篇所謂甘棠紀愛峴石
興思者也若夫地擅清華之勝人居廉讓之間傑構幽栖概
從別見

讀書堆在府城東七里俗名顧節墩相傳陳顧野王讀書於

此

標志

白蓮寺隔水有顧野王讀書臺址

朱彛尊

尊駕鵞湖權歌案至元志松江

之寶雲寺初名法雲寺在顧亭林市卽顧黃門故宅石晉開運元年寺僧二人同夢金紫一偉丈夫云是梁朝侍郎且告以斷碑處晨起尋舊寺基見片石有字云寺南高基顧野王曾于此修輿地志乃卽寺東偏立祠祀之宋唐詢顧亭林詩爲華亭十詠之一梅堯臣王安石皆有和詩是野王自有讀書堆在華亭之顧亭林非嘉興之顧節墩也柳志取唐詢詩首尾四句載之顧節墩讀書堆下柳李詩繫又誤入張堯同嘉禾百詠之內其附考云嘉興縣東六里有顧節墩野王曾于此修輿地志牽混爲一又云平湖縣東柳土有讀書墩亦野王讀書處然則野王讀書堆正不止一處矣湯志云顧野王讀書臺爲華亭顧誕畱寓嘉興者所得而劉志云在屠諭德園中又譚貞默有平林小築詩序則稱居氏吳涇世業卽希馮讀書臺遺址掃菴復卜築于此是讀書臺址後爲譚氏所得詳見園宅

碧鮮亭在縣東淨土寺中以地產奇竹取左思吳都賦玉潤

碧鮮之義若府志柳作碧鮮趙作苔蘚劉作碧蘇者俱誤

湯志

聞人安道碧鮮亭詩植竹敞虛亭清幽滌襟慮盛暑生涼

陰窮冬見蒼翠我愛主人賢堅如筠箭美願師持此心與

境長無愧

全元志

陳舜俞碧鮮亭詩瀟灑欄杆碧玉叢昔來遊賞是兒童縈

迴修竹探繁影刻畫新詩遶翠筒十載雪霜林色改幾番

風月酒尊空子猷老去心長在終擬爲隣作醉翁

同上

景龍樓在東塢寺卽鐘樓也

本名景陽樓

一夕主僧夢金龍繞樓

樓爲之震翼日孝宗登樓誤行墜地因名景龍

湯志

案揮麈錄云孝宗

秀要集

卷七

十一

幼歲偶至秀州城外真如寺登鐘樓先是僧徒以蓮條覆空處上誤履其上遂並墜焉旁觀者失色上屹然立席上畧無驚怖狀蓋譌東塔爲真如寺也

嚴鼎景龍樓詩香水寬於海神龍挂著天景陽星劫後餘

礎尙依然

何志

吳文溥景龍樓歌醴泉有源芝有根遐哉朱祖之子孫英雄繼統志恢復中興諸將如雲屯不見韓劉已盡紫巖老符離一潰真艸艸笳鼓中原井邑墟江湖南紀朝廷小鳳皇山頂萬樹松蒼鼠出入松間風清秋寂寞重華官不及茲樓突兀南湖東滿天花雨搖禪鐘

南野堂集

嘉興縣志卷九

嘉興縣知縣 司能任 重輯

寺觀

嘉興寺觀城以內者今屬秀水應詳秀水縣志城以外者各就所在坊鎮鄉都以次列敘唐宋元以前古刹及有名人碑記題咏雖已廢者亦錄凡院若庵並附于後僧道寺廟創建增造屢奉

諭旨嚴禁載在

大清會典其檀越等名色亦經

奏準革除著于學政全書舊志此門語多冗濫無關考証徒

益糾紛以此頗有芟削云

東塔講寺在角里坊

縣東三里

舊大聖塔院也宋政和六年因在

城壽聖教院額就塔院立之紹興三十二年改名東塔廣福

教院

至元志

相傳漢朱買臣故宅

詳見園宅

有買臣墓

詳見塚墓

梁天監

中建寺

名勝志蓋據傳聞

案徐一夔詩云云是故賢宅異世居方袍

塔是塔即建于梁天監中而湯志又以爲隋仁壽建未詳何據

歲久傾圯塔廢僅存二級淳

熙十五年僧清雅重建

永嘉鮑義叔記

十年復開講堂聚衆千指置

常住田設度僧局以給之奏請爲賢首十方

婁機記

有華嚴經

閣雷音海印二堂皆寧宗宸扁

趙圖記作理宗

寶慶三年寺圯僅存

古塔僧清杲重建舍耶寶殿毀于兵元至元十六年僧懷寶

重建皇慶二年僧德處請賜東塔廣福教寺額至正十七年

復毀于兵一塔獨存十八年僧守良重建佛殿僧寮三十三

年守良與河東牛諒等六人同游登塔賦詩高遜志記明洪武三

年殿毀四年塔亦被災五年僧若允重建十五年定爲東塔

廣福教寺永樂元年僧智深重新舍利寶塔十五年僧德祥

建普光明殿廬陵會榮記洪熙元年僧正猷重修臨川王英記復建一

室于水之中央曰環碧山房呂原記景泰三年僧守倫重建華

嚴經閣呂原記成化五年僧文理重建鐘樓詳見古蹟萬歷十五年

僧芳藻重修青白池亭知府龔勉記詳見古蹟并舍利塔三十九年改

置禪堂于朱買臣墓後朱國祚記四十年知縣陸獻明給帖董其昌記

卷六

志

後有僧溥光書八大覺經石刻詳見金石崇禎十年重修以上本湯志

國朝乾隆間重修

鮑義叔東塔廣福教院記嘉禾郡之東偏距關五里而遙有廣福賢首教院幽閒僻左居無囂塵僕記少時偕伯仲氏肄業于斯比竹茨草之室不支風雨魚鼓罷響齋廚弗充並院西南相界之內僅有廢塔二級餘悉神林鬼冢蛇虺所孕育汙萊不食多歷年所僕旣長立宦學飄零二十年間家居官居足跡未始一踵舊遊也側聆里閭士女話謂是院旬歲典剝得人輪奐日新龍象雲集強僕往臨視

之至則寂照法師清雅肅客而入外殿三門金篆高揭天
魔鎮守萬法之要關也門內卽塔院露盤匝地風鈴韻天
羣迷之標指也塔院直北建大悲寶閣浮空百尺俯瞰日
星清淨之目母陀之臂具足妙相普現神通正覺之道場
也獻殿八楹枕閣前軒鑿池引流芙蕖自然可以建齋行
道燒香散花精于佛事之宇也閣後飛橋跨空過華嚴堂
高廣宏曠金碧璀璨猊座巍峩荃廣周繞敷演聖言之所
也堂後輦土爲臺以建上方燕安身心瓶錫是寄東闌一
軒軒外鉅竹千挺扶疎晝陰人天尊仰之居也廊廡臂伸
齋房指列窗牖虛明巾單整潔諸教比丘體用雙修之地

也西則有大天龍背負踴起輪藏在焉東則有香積妙供
苾芻芬芳庫司在焉以至綱統之寮伊蒲之舍澡滌之室
溷溺之軒莫不重深壯麗甲乙于諸山其他小物細故動
欲垂示久遠未嘗苟且僕旣周遊觀覽乃慨歎而謂雅曰
昔黃太史有毀中民百家之產而成一屋奪農夫十口之
飯而飯一僧之語況受供于日中托宿于林下續禪床以
斷薪繞饑腹以三篋皆師宗門故事也向者敗屋數區不
猶愈乎雅炷香合爪言曰毗盧遮那宮殿樓閣充遍十方
無所分別一彈指頃三昧現前詎與夫人間世經紀究度
規畫主辦然後成就者之比哉是刹故基堦墮庳狹鼠

庭除蝸蚓几席誠不可與一朝夕雜處也況欲闡揚宗風
 安集徒侶其可耶茲地爽塏高明故命工撤取之況棟楹
 樑桷蓋瓦級墼之具皆長者自爲布金舍已愛樂無所靳
 惜領徒以來檀施信入悉助其費不銖黍畱故能奮其憊
 于創殘摧敗之餘而無厲民駭衆之舉適歲旱澇此方貧
 弱不自存者厚以役直使食其力俱知心競不告勞亦吾
 大雄氏慈憫方便之一也居士以斯言爲信其爲証明之
 僕曰有是哉汝佛如來嘗示不誑語之戒僕倘未信而言
 于心有負故撫實以爲之記

至元志

婁機東塔寺置田度僧記吾鄉州近城有教院曰賢首住

持僧曰清雅院久傾圯風披雨沐僅支數椽雅不堪陋捐
施金一新之寶殿雕楹繡楣鏤案次舍甲乙步櫚周流叢
林規模色色差備艱勤經始至矣又念歲入無銖粒寸產
僧供不贍苦行相與精進佛事不祝髮受戒以繁其徒祖
印不傳無以善後于是置常住田置度僧局吾鄉州人往
來習聞其槩不深孰何一旦書來乞記反覆顛末信其言
尤詳曰清雅入院更十有八夏極力苦心辦緣爲鐘魚主
省帖舊以嫡支差次住持不容異派旁睨雖吾祖師浮雲
太空受十方施無所執著吾去就非所計第院固貧陋堊
堊苟全非如名山大禪林施厚力豐可易置如傳舍院事

一失主盟焚修不處苴漏不補私所有以自膏潤輕去迭來則日就淪落故往年尚書郎王史君慨念之復理前語丁寧申曉刻之堅珉以爲表經先是有持僧牒一道不著姓氏欲以佐工役費清雅不敢私轉以受吾徒則施狹院固貧自若因出意合千人各持緡錢幾千焚香探籌以取之以其爲求田根葉或相繼出力助施得租糧以斛計者幾四百就以先所有鮑氏諸家田米歲二百餘斛歸度僧局籍淨人氏名鱗以高下持帖爲據知事僧掌之給先出局者披度禮本院爲師有贏金勿擅支與以濟私用不幸有亡沒則以次繼承取米十斛爲送終費院間有儉凶或

公私百費弗得造爲名色耗用規隱不償設有是許持據與所刊碑鳴之有司以請凡度僧局之贏金儲以增田足十年則盡歸公以給僧供惟所用此清雅所爲規式示山門俾遵守者如此幸爲清雅書之機憮然曰自金仙氏入中土老氏與吾儒之教鼎峙吾儒常貶釋氏謂其憑虛沈洋無所考詰引繩批根麾使不得近吾于中常持衡焉世變日久澆詭日滋吾聖人語不及怪不以幻異示人而後釋氏禍福之說行蓋爲權以濟經之所不及指異而歸同要使人遷善遠罪而已見不必偏況人居天地間孰不喜生惡死釋氏獨以寂滅爲樂覺觀湛然不種愛根不淪慾